


Gosse datne hoksem daarpesjh

Hoksegarantijen jih veeljemefrijjevoeten
bijre hoksesne



Jis datne skiemtjijh

Biejjiem – voestes iereste datne dov healsoejarnge ringkh. Telefovnnummerem jih adressem datne www.jll.se jallh Blå sidorne / Plaave sæjrojne telefovnkatalogesne gaavnh.

Datne maahtah aaj skiemjtehokseraeriestimmiem abpe dygnem åadtjodh, ringkh telefovnnummerem 1177. Persovni tekstetelefovnine: 0771-11 77 99

1177: sne skiemtjesåjhterh berkiah gieh datnem vaestiedieh, raeriestieh jallh datne åadtjoeh dåakterem gaskesadtedh. Giehtjedh aaj dam nasjovnellenn webbesijjesne www.1177.se

Jis akute – ringkh 112. Gosse 112 ringkh dellie alarmejarnge vaestede, mij laantedigkien gaajhkh viehkieh, skiemtjebijh jih haepkieruevtieh ektede.

Daalhkesebievnessh: 08-33 12 31

Dalhketjebievnessh: 0771-450 450

Snjaltjen 1. b. 2010 raejeste orre laake jáhta (SFS 1982:763) jeananamme skiemtjijedjipeme. Dan mietie dov lea, goh skiemtjije jallh skiemtjijen lihke, fierhten gaskesadtemisnie hoksine reakta individuellen sjehtedamme bievnesh åadtjodh dan bijre:

1. Dov skiemtjelasen jallh diagnovsen bijre.
2. Dov båehtjierdimmiem bijre, aerpievuekine jallh alternativje-Eles
3. Dov reakta veeljemefrijjevoeten bijre hoksesne
4. Hoksegarantijen bijre; vuesiehtimmiem gaavhtan garantijetijh, jis ih maehtieh jallh ih åadtjoeh båetedh jih orre hoksevedtije

Hoksegarantije

– reakta laaken mietie hoksese måedtie biejjiej raejesne

Hoksegarantije lea datne edtjh gaskesadtemem hoksine jih nænnoestamme hoksem åadtjodh dennie boelhkesne:

0

Primærehoksem seamma biejjien gaskesadtedh

Seamma biejjie gosse datne viehkiem ohtsedh edtjh datne primærehoksem gaskesadtedh (healsoejarnge/privahten dåastove) Hälsoval Jämtlands län / Healsoeveeljeme Jiemhten leenesne jallh 1177. Telefovnine jallh jis minnemen tjirrh.

7

Dåaktarisnie minnedh primærehoksesne tjijhtje biejjiej raejesne

Jis primærehokse vuarjesje datne daarpesjh dåaktarisnie minnedh, edtja dutnjien tijjem faaledh tjijhtje biejjiej raejesne.

90

Spesialistehoksese minnedh 90 biejjiej raejesne

Jis datne remissem spesialistehoksese åadtjoeh edtjh tijjem, gosse åadtjoeh båetedh 90 biejjiej raejesne.

90

90 biejjiej raejesne tjuara aelkedh båehtjierdidh

Jis dah spesialistehoksese vuarjasjeh datne båehtjierdimmiem daarpesjh, edtjeh dam dutnjien faaledh 90 biejjiej raejesne.

Hoksegarantije lea man varki datne edtj maehtedh hoksine gaskesadtedh jñh gæssie datne edtj vuarjasjamme hoksem åadtjodh. Jilhts lea åålegh dihte medisijneles vuarjasjimmie mij nænnoste jis datne edtj hoksem åadtjodh jñh mij hokside datne edtj åadtjodh.

Jis ibie mijjiej maehtiej datnem hoksem vedtedh aejkiemiären sisnie edtjiej mijjen hoksebarkijh aktijveles datnem viehkiehtiej hoksem jeatja sijjesne åadtjodh.

Jis datne viehkiem åadtjoeh jeatjah hoksevedtiejasse dan åvteste ibie mijjiej maehtiej hoksem vedtedh hoksegarantijen aejkiemiäresne, ij edtj lissiemaaksoeh dutnjien sjidtedh. Datne skiemtjijemaaksoem maaksah mij lea laantedigkesne jallh regijovnesne gusnie hoksem vadtasåvva.

Bijjiemaaksoevaarjelimmie jñh frijjeåårhte aaj jeatjah laantedigkine jallh regijovnine jåhta jñh privaten hoksevedtiejinie mej Leah latjoem dejgujmie.

Ij hoksegarantije dijpieh goerehtimmide, goh röntgene, testh jñh pryövemh.



Sijhth datne vielie hoksegarantijen bijre daejredh

Jis datne goh skiemtjije gyhtjelassh åtnah edtj datne voestes iereste dov healsoejargese jallh disse dåastoevasse Staaren skiemtjegåetesne gusnie dov lea remisse gaskesadtedh.

Vaestiedassh siejhme gyhtelasside hoksegarantijen bijre Jiemhten leenesne, seedth e-påastem disse: **vardgarantin@jll.se**

Jeenebh bievnesh dan bijre guktie lea Jiemhten leenen laantedigkesne gååvnesieh aaj laantedigkien gåetiesæjrosne **www.jll.se**

Sijhth datne jienebh vuertemetijji bijre daejredh?

Webbesijjesne Sveriges Kommuner och Landsting / Sveerjen Tjielth jñh Laantedigkieh **www.vantetider.se** maahtah datne mohtedidh man gellie våhkoej raejesne ovmesse skiemtjegåetiej jñh dåastovh maehtiej hoksem faaledh.

Siejhme bievnesh reaktaj jñh skåltoej bijre hoksese, juktie nasjovnellenn hoksegarantije, aaj **www.1177.se** sæjrosne gååvnesieh, dan Regler och rättigheter / Njoelkedassh jñh reaktah nuelesne. Datne aaj maahtah 1177 ringkedh jñh åadtjoeh raeriej jñh bievnesh dov reaktaj bijre jallh dah maehtiej dutnjien bihkedidh maam datnem dæjpa.

2011 lea reereme vierhtiej biejem dejtje laantedigkide mah sov jaksemem 0-7-60-60:an buaranidh, ij Leah daate laaken mietie regleereme jilhts daate lea prestasjovnevåaromen dårjoe mij edtja laantedigkide skreejrehtidh dej jaksemem vielie buaranidh.

Hokseveeljeme

– dov lea nuepie veeljedh

Skïemtjijnie dov lea ovmessie veeljemenuepieh dov hoksen bijre. Dov lea mædtien aejkien nuepie hoksem veeljedh jeatjah skïemtjegåetine goh Staaren skïemtjegåetesne jallh jeatjah laantesne (Frijje hoksemeveeljeme). Jih dov lea aaj reakta healsoejarngem dov leenesne veeljedh – jienebe dan bijre datne gaavnh biëvneshmaterialisnie Healsoeveeljeme Jïemhten leene.

Hokse jeatjah laantedigkesne

Dihthe frijje hokseveeljeme Sveerjesne lea:

- Datne gie jeatjah laantedigkesne årroeh – vuesiehtimmien gaavhtan barkoen, ööhpehtimmien, barkoefeadimmien, eejehtimmien jallh medtielaakan gaavhtan – edtjh mahtedh rihpeshoksem ohtsedidh (dåakteren, dajvesåjhteren, skïemtjegymnasten gåajkoe bætedh) dennie laantedigkesne seamma tsiehkine goh Jïemhten leenen laantedigkesne.
- Datne gie lea joe dov hoksedaarpoem nænnoestamme Jïemhten leenen laantedigkesne (vuesiehtimmieh ruaksjabaahkoe-jallh starreoperasjovne) mahtah dam bæhtjierdimmiem jeatjah laantedigkesne ohtsedidh. Dihthe medisijneles vuarjasjimmie Jïemhten leenen laantedigkesne nænnoste jis datnem edtja bæhtjierdidh jih guktie datnem edtja bæhtjierdidh – maam datne jïjtje mahtah veeljedh lea gusnie datne sijth bæhtjierdimmiem åadtjodh. Jïemhten leenen laantedigkie maaksa bæhtjierdimmiem åvteste mohte jeatjah tehtemh leah gosse hoksegarantije aalka juhtedh, dellie ibie jeatjah maaksoeh maeksieh. Datne fealadimmien, årromen jih jeatjah maaksoeh jïjtje maaksah. Jis datne sijth nænnoestamme bæhtjierdimmiem jeatjah laantedigkesne dellie datne jïjtje åadtjoeh goerehtidh jis nuepie dam darjodh.

Jienebh biëvnesh

Dov leah jïjnjh gyhtjelassh veeljeme-nuepiej bijre hoksesne Sveerjesne mahtah telefvennummerem 1177 ringkedh.

Jienebh biëvnesh hoksen bijre jeatjah laantesne gååvnesieh Försäkringskassa:n webbesijjesne:

www.forsakringskassan.se

Hokse jeatjah laantesne

Dihthe gååvnese ovmessie alternatijvh svienskilde åadtjoeh soejkesjamme hoksem byögkeles maaksojne jeatjah EU/EES-laantesne:

- Laantedigkie maahta skïemtjijh remitteeredh jih dellie dan åvteste maeksedh.
- Åvteldhbodtiluhpiem maahtah staateste Försäkringskassan tjïrrh ohtsedidh. Dåarjoe ajve maahta dagkeres hoksesse vedtedh mij byögkeles skïemtjehokseöörnegisnie Sveerjesne bæhtjierdidh jih hoksevedtije edtja byögkeles skïemtjehokseöörnegisnie årrodh. Aaj ij ohtseme skïemtjije edtjh mahtedh hoksem Sveerjesne åadtjodh dennie tijjemïeresne mij lea siejhme dan sov healsoen mietie jih guktie skïemtjelasse evtiedidh.
- Skïemtjije maahta jïjtje sov hoksem åestedh jih dan mænngan dåarjoem Staaten, Försäkringskassan tjïrrh ohtsedidh. Nuepieh hoksemaaksoem dåarjodh lea seamma jïlhts hoksevedtije lea privateles jallh byögkeles. Hokse tjuaa byögkeles skïemtjehokseöörnegen meatan Sveerjesne.
- Gosse guktie gohtje raasteskiemtjehokse Såevmesne jallh Nöörjesne lea nuepie dåarjoem Försäkringskasseste åadtjoeh raasteskiemtjehoksenjoelkedassen tjïrrh.
- Biëvnesh nuepiej bijre disse man lea reakta hoksesse Sveerjesne skïemtjehoksem EU/EES:sne jih Schweizesne ohtsedidh gååvnesieh Försäkringskassan webbesäjrosne. Desnie aaj vuesehte dah njoelkedassh jis sæjhata åvtelhbodtiluhpiem syökedh Försäkringskasseste, jih aaj dah njoelkedassh dåarjoem hoksen mænngan ohtsedidh.